



УДК:93/94:327(470+575.1/.4)(043.3)

Ойбек КЛИЧЕВ,

Бухоро давлат университети докторанти (DSc) тарих фанлари бўйича фалсафа доктори (PhD)

THE OFFICES IN BUKHARA EMIRATE AND THE STAFF WORKED THERE

Abstract

Throughout the conduct of researches related with the study of establishments in the Central Asian region at the end of the 19th and the beginning of the 20th century the studies indicated that there is not an entire study of the chancelleries in the central and local organizations of the emirate of Bukhara. Most of the documents related with archive of qushbegi containing the history of the emirate of Bukhara had been prepared in the ministry of Bukharai Sharif are held in the Central state archive of the Republic of Uzbekistan. It in its turn stipulates the necessity of the study of chancelleries existing in the central government of the emirate. Thus, it is important to have the necessary info on the preparation of the written source prior to its study. Furthermore, the documents prepared in the ministry of the Bukharai Sharif are prominent with their profound info on the internal and external policy of the country. In the article there is a discussion on the chancelleries existing in the central and local organizations of the emirate of Bukhara.

Key words: Ministry of Bukhoroi Sharif, secretariat, Khavli-poyon, chancellery, editor, secretary, head secretary, qushbegi, qazikalan, shogirpesha.

ОФИСЫ В БУХАРСКОМ ЭМИРАТЕ И ПЕРСОНАЛ РАБОТАЛИ ТАМ

Аннотация

На протяжении всего времени проведения исследований, связанных с изучением учреждений в Центрально-Азиатском регионе в конце 19-начале 20 века, исследования показали, что в центральных и местных организациях Бухарского эмирата не проводится углубленного изучения канцелярий. Большая часть документов, относящихся к архиву кушбеги, содержащему историю Бухарского эмирата, была подготовлена в министерстве Благословенной Бухары и хранится в Центральном государственном архиве Республики Узбекистан. Это, в свою очередь, обуславливает необходимость изучения канцелярий, существующих в центральном правительстве эмирата. Таким образом, важно иметь необходимую информацию о подготовке письменного источника до его изучения. Кроме того, документы, подготовленные в министерстве Благословенной Бухары, отличаются глубоким знанием внутренней и внешней политики страны.

Ключевые слова: Министерство Бухорои шариф, секретариат, Хавли-поён, канцелярия, редактор, секретарь, мирзабаши, кушбеги, козикалон, шогирдпеша.

БУХОРО АМИРЛИГИДАГИ ДЕВОНХОНАЛАР ВА УЛАРДА ФАОЛИЯТ ЮРИТГАН ХОДИМЛАР

Аннотация

XIX аср охири - XX аср бошларида Ўрта Осиё минтақасида мавжуд муассасалари тарихини ўрганиш масалаларига доир тадқиқотларни таҳлил этиши жараёнида Бухоро амирлигидаги марказий ҳамда маҳаллий идораларда мавжуд девонхоналарнинг фаолияти яхлит ҳолда ўрганиш амалга оширилмаганлигини кўрсатди. Ўзбекистон Республикаси Марказий давлат архивида Бухоро амирлиги тарихига доир муҳим маълумотларни ўзида жамлаган қўшбеги архивидаги ҳужжатларнинг аксарияти айнан Бухорои шариф вазоратхонасида тайёрланган. Бу, ўз навбатида, амирлик марказий ҳукуматида мавжуд девонхоналар фаолиятини ўрганиш заруратини келтириб чиқаради. Зеро, ҳар бир ёзма манбани ўрганишдан олдин унинг тайёрланиши билан боғлиқ маълумотларга эга бўлиш муҳим аҳамият касб этади. Қолаверса, Бухорои шариф вазоратхонасида тайёрланган ҳужжатлар мамлакатнинг ички ва ташқи сиёсати тўғрисида атрофлича маълумот бериши билан аҳамиятли. Мазкур мақолада Бухоро амирлигидаги марказий ҳамда маҳаллий идораларда мавжуд девонхоналар тўғрисида тўхталиб ўтилган.

Калит сўзлар: Бухорои шариф вазоратхонаси, мирзахона, Хавли-и поён, девонхона, муҳаррир, котиб, мирзабоши, қўшбеги, қозикалон, шогирдпеша.

КИРИШ. Бухоро амирлигидаги маъмурий эътибор қаратар эди. Нагигада, амирлик ҳудудида муассасалар ўз фаолиятини амалга ошириш бир қатор девонхоналар ташкил этилади. жараёнида ҳужжат юритиш ва сақлашга алоҳида Амирликнинг ички ва ташқи муносабатларида

муҳим аҳамият касб этган Бухоройи шариф вазоратхонаси (Бухоро амирлигининг бош ижро муассасаси – *О.К.*)нинг фаолияти, у ердаги иш юритиш тартиби ва ходимлар таркиби каби масалалар чуқур тадқиқ этилмаган.

Тарихий манбалар ва адабиётларни тадқиқ этиш натижасида, Бухоро амирлигида бевосита амирлик ҳукуматига тегишли қуйидаги девонхоналар ташкил этилганлиги аниқланди:

1. Бухоройи шариф вазоратхонасига қарашли девонхона.

2. Юқори даражадаги амалдорлар ҳузурдаги (тўпчибоши, қозикалон, раисикалон) девонхоналар.

3. Бекликлардаги девонхоналар.

Бухоройи шариф вазоратхонасига қарашли девонхона амирликдаги энг катта девонхоналардан бири бўлиб, у ўз ичига қуйидаги девонхоналарни оларди:

1. Мамлакатнинг молиявий масалаларини амалга ошириш учун масъул девонхона.

2. Худуд бекликлари ва фуқароларнинг муурожаатлари билан шуғулланувчи девонхона.

3. Амирликнинг барча худудларидаги иқтисодий масалалар билан шуғулланувчи қуйи қўшбеги девонхонаси;

4. Россия империяси ҳукумати вакиллари билан давлатлараро муносабатларни амалга оширадиган махсус мирзахона – девонхона.

5. Бухоро амирлиги ҳукуматининг Россия императори сиёсий агентлигида ташкил этилган девонхона.

АСОСИЙ ҚИСМ. Манбаларда Бухоро аркида юқори қўшбеги тасарруфидаги “*мирзахона-и калон*” фаолият юритганлиги тўғрисида маълумотлар мавжуд. Ушбу девонхона вазоратхона таркибига кирувчи иккита девонхонадан ташкил топган [1]. Уларнинг биттаси мамлакат хазинасидаги олтин, хирож маблағлари ва тушумларнинг сарҳисоби ва турли хилдаги харажатларни амалга ошириш билан; иккинчиси эса бекликлар билан муносабатга киришиш ҳамда хорижий мамлакатларга чиқиш учун амирлик фуқароларига паспорт (рухсатномалар)ни тақдим этиш билан шуғулланган.

Мирзахона-и калон – юқори қўшбеги ховлисидаги хоналарда жойлашган. У хазина қирим ва чиқим харажатларини амалга оширган. Ушбу девонхонада 10 нафар мирза фаолият юритар эди. Амирнинг мамлакат бўйлаб сафарларида ушбу девонхонадан учта мирза жалб қилинган. Уларнинг бири ҳисоб амалиётини, иккинчиси маблағларни қабул қилиш ва сафар харажатлари рўйхатини олиб бориш, учинчиси эса маблағ ажратиш ишлари билан шуғулланган. Қўшбеги ховлисида жойлашган иккинчи девонхонада ҳам 8-10 нафар мирза ишлар эди. Девонхоналарда алоҳида-алоҳида мирзабошилар тайинланган ва қўшбегига ҳисобот бериб турган. Ушбу девонларни *мирзо-и калон* – бош мирза бошқарган [2]. Девонбеги, яъни қуйи қўшбеги девонхонаси Арк қўргони этагида жойлашган эди. У яна *Ҳавли-и поён* – яъни қуйида жойлашган ховли деб аталади.

Л.И.Ремпелнинг маълумотларига қараганда, ушбу муассаса тўрт ховли комплексидан ташкил топган. Унинг биринчи ховлисида махсус от ва аравалар учун мўлжалланган – отхона, иккинчи ховлида бир-бирига қарама-қарши қурилган закотхона бўлган. Ховлининг ўнг томонида жойлашган хоналарда амирлик бекликларидан, чап томонидаги хоналарда эса бевосита Бухоро ва унинг атрофидаги худудлардан келиб тушадиган закот тушумини қайд қилиб борадиган мирзалар фаолият юритган. Учунчи ховлида мирзахона – қуйи қўшбеги девонхонаси жойлашган бўлиб, у ерда олти ёрдамчи мирзаларга эга мирзо-и калон фаолият юритган. У барча закот тушумларининг тўғри қайд этилишини назорат қилган. Ушбу ховлининг ўнг томонида қуйи қўшбегининг ўзи, тўртинчи ховлида оиласи ва шахсий хизматкорлари жойлашган [3].

Юқори қўшбеги ва Россия императори сиёсий агентлиги ўртасидаги ёзишмалар билан махсус мирзахона – девонхона шуғулланган. Ушбу девонхона аркнинг сайисхона ховлиси таркибига кирувчи хоналарда жойлашган эди. Девонхона икки хонадан иборат бўлиб, унинг биринчисида мирзалар, иккинчисида эса дафтardор ҳамда мирзо-и мунший фаолият юритишган [4].

Шуни алоҳида таъкидлаш жоизки, Россия императори сиёсий агентлигида ҳам Бухоро амирлиги ҳукуматининг девонхонаси ташкил этилади. Бу девонхона агентлик биносида жойлашган бўлиб, амирлик ҳукумати номига йўлланадиган мактубларни таржима қилиш ҳамда ўзаро ёзишмаларни олиб бориш тадбирларини амалга оширган. Ушбу муассасани Мирбадалов Ҳайдар хожи бошқариб келган.

Амирликдаги юқори лавозимлар орасида тўпчибошида ҳам девонхона бўлиб, унда ўнта мирза, бий унвонидаги ёрдамчи – ясовулбоши, турли унвонлардаги ясовуллар, ҳарбий қуролларни қабул қилиш ва тарқатиш ишларига масъул шахс ҳамда шахсий хизматкорлар фаолият юритарди [5].

Бухорода қозикалон ва раисикалонларнинг девонхоналари уларнинг шахсий биналарида, қўпинча, ўз уйларида ташкил этилган. Амирликдаги фуқаролик ишлари бир халфа, икки муҳодир (хулоса ва қарорларни тайёрловчи ва етказувчи шахс – *О.К.*), олтига мирза ва эликка яқин мулозимлардан иборат раисикалон девонхонасининг фаолияти натижасида хал этилган [6].

Амирликдаги диний, суд ишлари қозикалон девонхонасида қўриб чиқилар ва хал этилар эди. Қозикалон ихтиёрида иш бошқарувчи мирза, қозилар, тергов фаолиятига масъул – мулло аъзам, хўжалик ишлари бошқарувчиси – девонбеги, отхона бошлиги – мирохўрбоши, маҳрам ва қуйи хизматкорлар бор эди [7]. Амирлик бекликларида ҳам девонхоналар ташкил этилиб, уларда девонбеги, мирзо-и мунший, миршаб, мироб, амин (оқсоқол), пойгирчи каби амалдорлар фаолият юритади [8].

Амир, қўшбеги ва амирлик девонхоналарида фаолият юритган ходимлар масаласига келсак, девонхоналарда муҳаррир, котиб, мирзабоши ва

мирзалар фаолият юритганлар. Давлат муассасаларидан ташқари йирик савдогар ва савдо компанияларида фаолият олиб борган мирзалар гуруҳи ҳам мавжуд эди. Амирликдаги савдо-сотик ишлари билан шугулланувчи катта амалдорлар хузурида турли хилдаги қарз, олди-сотди шартномаларини тайёрлаш учун мирзалар фаолият олиб борар эди. Кўтара савдо билан шугулланувчиларда эса бир нечта мирзалар ишлаган. Улардан бири *мирзо-и сари сандук* – яъни сандик яқинидаги мирза деб аталган. У ўз хўжайини маблагларининг хазинабони вазифасини бажарган [9].

Амирлик ҳукумати девонхонасида фаолият олиб борган энг муҳим лавозимлардан бири муҳаррирлардир. Улар ўз навбатида уч тоифага ажратилган:

1. *Муҳаррири девони саркор* – давлат девонхонаси муҳаррирлари.

2. *Муҳаррири амлок* – амлок ерлари билан шугулланувчи муҳаррирлар.

3. *Муҳаррири воқеанавис* – кунлик қайд ва воқеаларни ёзиб боровчи муҳаррирлар [10].

Н.В.Ханьковнинг маълумотларига кўра, амир хузурида аҳолига турли хилдаги аризаларни ёзиб берувчи ўнта шундай шахслар фаолият олиб борган эди [11]. Бу муҳаррирлар, кўпинча, аҳолидан амир ва қўшбеги номига келаётган ариза ва шикоят хатларини тузиш ишларига раҳбарлик қилишарди. Уларни Россия империяси идораларида фаолият олиб боровчи "письмоводитель"ларга қиёслаш мумкин.

Амирликдаги девонхона ходимлари жамоасининг асосини котиб ва мирзалар ташкил этарди. Масалан, улар амир мактубларини тайёрлаш ва давлат амалдорлари номларига йўлланадиган муружаатларни ёзиш ишларини бажарган. Амир хузурида иккита мирза бўлиб, унинг биринчиси *мирзо муширф* – (яъни дафтардор ёки мирзо-и калон), иккинчиси *мирзо мунший* (котиб) деб номланган. Амир Музаффар даврида Мирза Абдул Азим Сомий мирзо мунший лавозимида бўлган [12].

Архив ҳужжатларида Мирзо Мухаммад Амин ва Мирзо Баҳромлар Амир Абдулахад даврида мирзо муширф ва мирзо мунший лавозимларида фаолият юритганликлари тўғрисида маълумотлар мавжуд [13]. О.А.Чехович ўз тадқиқотларида, *мирзо-и дафтардор* лавозимида ишлаган Мирзо Раҳматулло (Мирза Аъло) амирга 8-9 йил давомида хизмат қилганлиги ва алоҳида нуфузга эга бўлганлигини таъкидлайди. Шунингдек, қўшбеги Жон Мирзо-бий ҳам амир мирзаси лавозимида фаолият юритганлиги ҳамда иккала мирзалар танҳога эга бўлганлиги тўғрисидаги маълумотларни ҳам тақдим этади [14]. Тарихий манбалар таҳлили амирликда қўшбеги лавозимида фаолият олиб борган Жон Мирзо-бий ва Мирзо Насрулло-бий каби қўшбегилар ўз вақтида амир ва амир хонадони вакилларининг мирзалари сифатида иш бошлаганликларини кўрсатди.

Ўзбекистон Республикаси Марказий давлат архивидаги ҳужжатлар орасида Бухоро амирлигида

энг юқори давлат муассаси ҳисобланган Бухорои шариф вазоратхонасида фаолият юритган ходимлар рўйхати мавжудлиги аниқланди. Ушбу рўйхат ҳамда ундаги маълумотларни таҳлил қилиш жараёнида қуйидаги мулоҳазалар илгари сурилди [15].

– Бош вазир, яъни қўшбегиларнинг алмашуви даврида вазоратхонада фаолият юритган ходимлар рўйхати тузилган. Рўйхатлар амирга янги тайинланган қўшбеги томонидан тасдиқлаш учун тақдим этилади. Уларнинг биринчисида вазоратхонада фаолият юритган ходимлар рўйхати, иккинчисида эса янги ходим сифатида қабул қилиниши керак бўлган шахслар рўйхатидир.

– Мазкур рўйхатларда шогирдпешаларнинг номи, унвони, этник таркиби яъни қайси қавмга мансублиги тўғрисидаги маълумот ҳам мавжуд. Унда чигатой, сарой, кенагас, юз, таке, мангит, киргиз каби уруг вакилларига мансуб бўлган Исҳоқ қоровулбеги чигатой, Раҳматулло қоровулбеги сарой, Ашур қоровулбеги кенагас, Мирзо Мухаммад қоровулбеги эроний, Саид қоровулбеги қирқ юз, Соҳиб қоровулбеги таке, Зоқирбек жевачи мангит қабилар номи қайд этилган. Бу ўз навбатида амирлик ҳукуматида фаолият юритган ходимларнинг этник таркибини аниқлаш масаласига ойдинлик киритади.

– Шунинг алоҳида таъкидлаш мумкинки, шогирдпешалар рўйхатини тузишда қўшбеги уларнинг худудий мансублигини аниқлаш учун Кўлобий, Бухорий, Карманаги, Шаҳрисабзий каби нисбаларни инобатга олган. Буни рўйхатдаги Жўрабек жевачи Бухорий, Хусайн жевачи туркистонлик ва Мухаммад Раҳим мирзабоши Карманагий каби амалдор номларидан билиб олиш мумкин. Ушбу маълумотлар қўшбеги қўл остидаги ходимларнинг келиб чиқишини аниқлашга хизмат қилиши билан аҳамиятлидир.

– Рўйхат ходимларнинг лавозим даражасидан келиб чиқиб тартиб билан ёзилган. Рўйхатда 57 қоровулбеги, 21 мирохўр, 74 жевачи, 60 мирзабоши, 34 чухра оғасининг номлари келтириб ўтилади. Унда вафот этган ходимларнинг номлари ҳам мавжуд.

– Рўйхатда бевосита Гиёс, Мизроб-бек, Тағойи – (вафот этган), Мухаммад Юсуф, Абдулғофур, Лоло, Абдусамат, Қозоқбек, Хўжа Мурод, Назар Али, Саидбек, Норбек – (вафот этган) мирзабошиларнинг номлари мавжуд. Ушбулар амирлик девонхонасида асли-насли ким, қаердан, қандай лавозимдаги амалдор ва умуман олганда кимлар фаолият юритганлиги хусусида муҳим маълумотларга эга бўлиш имконини беради.

ХУЛОСА. Юқорида билдирилган фикрлар асосида қуйидаги фикр-мулоҳазаларга келиш мумкин:

Бухоро амирлигида марказий ва маҳаллий бошқарув муассасаларида тизимли тарзда девонхоналар ташкил этилган. Ушбу девонхоналар аниқ йўналтирилган фаолиятни амалга оширишга хизмат қилган.

“мирзахона-и калон” ҳамда “маҳсус мирзахоналарнинг фаолияти асосида амирликда иш юриш

билан боглик тадбирлар тартиблаштирилган шаклда олиб борилган деган хулосага келиш мумкин.

марказий девонхоналарда фаолият юритган ходимларнинг рўйхати қўшбеги томонидан тайёр-

ланиб Бухоро амирига тақдим этилиши девонхоналар амирлик маъмурияти тизимида муҳим бўгин вазифасини бажарганлидан далолат беради.

АДАБИЁТЛАР

1. ЎзР МДА Р-2678-фонд, 1-рўйхат, 448-йигмажилд, 37- варақ.
2. Андреев М.С. Чехович О.Д. Арк Бухары в конце XIX – начале XX вв. – Душанбе: Изд-во Дониш, 1972. –С.80-81.
3. Ремпель Л.И. Далекое и близкое. Страницы быта, строительского дела, ремесла и искусства Старой Бухары: Бухарские записки. – Ташкент: Изд-во. Литературы и искусства им. Гафура Гуляма, 1981. – С.72.
4. Андреев М.С. Чехович О.Д. Арк Бухары в конце XIX – начале XX вв. – Душанбе: Изд-во Дониш, 1972. –С.39
5. Логофет Д.Н. Бухарское ханство под русским протекторатом. – Санкт-Петербург: – Т.1. Изд-во В.Березовского, 1911. –С.253.
6. Ремпель Л.И. Далекое и близкое. Страницы быта, строительское дела, ремесла и искусства Старой Бухары: Бухарские записки. – Ташкент Изд-во. Литературы и искусства им. Гафура Гуляма, 1981. – С.74.
7. Логофет Д.Н. Бухарское ханство под русским протекторатом. – Санкт-Петербург: – Т.1. Изд-во В.Березовского, 1911. –С.237-238.
8. Маджлисов А. Аграрные отношения в Восточной Бухаре в XIX – начале XX века. – Душанбе-Алма-Ата: Ирфон, 1967.-С.51.
9. Сухарева О.А. Бухара. XIX – начало XX в (Позднефеодальный город и его население). – Москва: Наука, 1966. –С.238.
10. Маджлисов А. Аграрные отношения в Восточной Бухаре в XIX – начале XX века. – Душанбе-Алма-Ата: Ирфон, 1967. –С.101-102.
11. Ханьков Н.В. Описание Бухарского ханства. – Санкт-Петербург: Тип. Императорской Академии Наук, 1843. –С.191.
12. Тўраев Ҳ. Мирзо Сомийнинг шахсий архиви // Мозийдан садо. – Тошкент: 2015. – №3. –Б. 32-33
13. ЎзР МДА Р-2678-фонд, 1-рўйхат, 250-йигмажилд, -варақ.
14. ЎзР МДА Р-2678-фонд, 1-рўйхат, 448-йигмажилд, 37- варақ.
15. ЎзР МДА И-126-фонд, 1-рўйхат, 65-йигмажилд, 1-варақ.